



We starte dees route vanaaf Hotel Niej Jork in Venlo. We gaon mit de rök nao 't hotel toestaon en loupe rechts richting Limburgs Museum. Veur 't museum kômme we al beej 't 1ste kunswerk. De Jocushaan op de 'nne sokkel.

1. Jocushaan (Keulsepoort, Venlo) – Maak ein selfie!

Vanoét d'n Haan loupe we rechtdoor en staeke we de straot euver richting hotel Wilhelmina. We laote hotel Wilhelmina links ligge, maar blieve waal aan dae kant van de Kaldekerkerwaeg loupe. Nao 't hotel loupe we de 1^{ste} straot links (Heutzstraot) in.

Vanoét de Heutzstraot de 1^{ste} straot rechts (Vrouw Traastraot). En dan de 1^e straot links (Engeliena Schaapstraot). Beej de T-splitsing mit de vierverhofstraot gaon we rechts. Dees straot loupe we alsmaar aaf en geit euver in de Mecklenburgstraot wies we op de T-splitsing mit de Hertog Reinoud straot kômme. Dan gaon we rechts richting Greunveldsingel. Op de Greunveldsingel aangekômme slaon we dees straot rechts in. We loupe door wies de rotonde. Die staeke we links euver richting Maagdeberg. Dao zien we beej 't 2^e standbeeld 't Wienbölke

2. Wienbölke (Maagdenbergplein, Venlo) – Maak ein selfie!

We vervolge ôzze waeg as we mit de rök nao de Maagdeberg staon gaon we links aaf de rotonde euver richting Kaldekerkerwaeg. We loupe dan nog steeds euver de Greunveldsingel.

Beej de Kaldekerkerwaeg aangekômme staeke we beej de Zebraaad euver, maar gaon dan links de Kaldekerkerwaeg op. Dan de 1^{ste} straot rechts (Willem van Bommelstraot).

Dees loupe we aaf wies we beej de spoorwaegeuvergank aan de veerpaerdjes kômme. We staeke't spoor links euver richting hotel de Baoveste Meule. Dus de löps dan tösse de spoorliene door mit 'nne baog nao links.

We loupe alsmaar rechtdoor tösse de päölkes door. Wannier we 'n spiegel aan de linkerkant zeen gaon we rechts de Ganzestraot in. Dan staeke we 't spoor euver en gaon direk achter 't spoor links.

We loupe nao de rotonde en staeke dae schuuns links euver nao de Natewaeg.

Beej de T-splitsing blieve we links op de Natewaeg richting Tegele. We blieve de Natewaeg volge en gaon onder de snelwaeg door. De Natewaeg löp dao euver in de Geldersebaan. We zien dan aangekômme in 't 2^e stadsdeel van deese wandeltoch, namelijk Tegele.



We blieve euver de Geldersebaan loupe wies det we beej de stopleechte kômme. Heej staeke we de waeg euver, maar gaon waal rechts de Broeklaan op. Dan direk de 1^{ste} straat links de Van Wevelickhove volge. We staeke de Muntstraat euver de Bongerdstraat op. Veur hoesnummer 6 wao de Bongerdstraat 'nne baog nao rechts mak, gaon weej nao links (in de Beeten op).

Heej loupe we door tot de Kerkstraat en dan linksaaf nao 't Wilhelminaplein. Dit staeke we euver en we staeke de Groëtestraot euver beej de zebraaad ter huugte van Friture Bronckhorst.

As we euver zien gestaoke zeen we midde op 't Smidseplein d'n Oeles Jubileumbaum.

3. D'n Oelesbaum (Smidseplein, Tegele) – Maak ein selfie!

We zien noow ouk op de helf van ôzze joeksige 11,33 kilomaeter lange wandeltoch. We loupe door aan dae kant van de Groëtestraot richting de St. Martinuskerk. De bliefs noow ongevier 1,5 kilomaeter rechdoor loupe euver de Venlosewaeg wies we onder de snelwaeg door zien gegaon. Naodet we beej de stopleechte de aafrit van de snelwaeg zien euvergestaoke loupe we links de Zuiderbrök op. Euver de brök gaon we direk rechts de trappe aaf. We vervolge de waeg richting de Meulebosse flats die links achter dich zien as se de trap aafkumps. Veur de flats gaon we rechsaaf de fietspaad op. Deze volge we tot we de flats veurbeej zien. Beej de T-splitsing halde we rechtsaan naeve de maas. Wies we nao 'n 100 maeter beej 'n Y-splitsing kômme. Dao loupe we links umhoëg richting 't centrum van Bliërick. Dees straat het 'bij de oude gieterij'. De kumps dan op de Boldersestraot oét. We staeke die euver en loupe richting de winkel van Berden. Veur Berden/Jumbo gaon we linksaaf de Maasbreese straat in. Heej loupe we rechtdoor wies de y-splitsing. Dao gaon we rechsaaf de Steegstraat in. Veurbeej de parkeerplaats gaon we de 1^e straat rechts. De löps now richting berden. Aan de rechterkant nao de parkeerplaats löp se richting ingang van Berden wao se aan dien rechterhand 'n standbeeld zuus. Dit is 't standbeeld van WorteleTruuj.

4. Worteletruuj (Laurentiusplein, Bliërick) – Maak ein selfie!

Mit de rök nao 't standbeeld gaon we nao links. We staeke de Laurentiusstraat euver en kômme op de Carleyplaats. We laote 't restaurant links ligge en loupe door 't st. Hubertusströtje richting de ingang van 't Raodhoes. Veur dae ingang steit alwaer 't letste standbeeld van ôzze wandeltoch. 'n Iérbetoén aan de joekskepelle.



5. Joekskapelle monument (Antoniusplein, Bliërick) – Maak ein selfie!

Vanaaf daor loupe we richting 't standbeeld van 't halve paerd en staeke dao de Antoniusstraot euver en loupe via de Helling richting de Maas. Op de T-splitsing loupe we nao links richting de stadsbrök. We blieve de Maas volge. We kômme dan op de Venraoysewaeg mit links 'n flatgebouw genaamp Fort St. Michiel. Nao de flat en veurdet se onder de brök doorlöps gaon we nao links de stadsbrök op. We staeke de Maas euver en loupe naeve 't stadskantoor rechtdoor. Beej de stopleechte loupe we linksaaf en staeke de Eindhovensewaeg euver. Onder 't viaduct door en vervôlges beej de stopleechte waer euverstaeke richting de winkelstraot. Nao de stopleechte gaon we nao rechts. Heej loupe we rechtdoor en laote de fietsestelling en 't Flujasplein links ligge. We vervolge de waeg op de Keuninginnesingel. Beej de HAS hoëgeschoel loupe links de Spoorstraot in. Aan 't ind van dees straot gaon we nao rechts en nao 100 maeter zien we waer beej 't beginpunt van de 'Boétegewoeëne De 3-kes wandeltoch'.

Laot heej dien 5 selfies zeen aan de organisasie en krieg ein klein presentje.

Perfisiat de hes 't gehaald. Bedank veur 't mei doen.

Weej winse dich 'nne geweldige vastelaovend.